

TINDAKAN
KE ATAS
SALLEH ABAS TAK
KENA MENGENA-
DENGAN
POLITIK
— ANWAR
Dari Razak
Rashid Ghows

1986 JUN 1986

LONDON 13 Jun —
Mentéri Pendidikan Encik
Anwar Ibrahim berkata,
tindakan ke atas Ketua
Hakim Negara, Tun
Mohamed Salleh Abas
tidak ada kena-mengena
dengan politik.

Beliau juga berkata
bahawa kerajaan
menerima keputusan yang
dibuat oleh hakim-hakim
walaupun ia tidak secocok
dengan pandangannya
atau parti yang berkuasa.

“Dalam sistem kehakiman
kita, keputusan para
hakim tidak dipertikai dan
kelakuan mereka tidak
pula dibahaskan.

“Kita juga tidak
menghadapi apa-apa
masalah dengan para
hakim kerana kita setuju,
merestui dan menerima
keputusan yang dibuat
oleh mereka.

“Namun hakim-hakim,
seperti mana pegawai
kerajaan, orang-orang
politik dan menteri tidak
boleh dianggap tidak akan
melakukan kesalahan,”
tegas beliau.

Encik Anwar berkata
demikian ketika
menjelaskan isu mengenai
penggantungan Ketua
Hakim Negara, Tun
Mohamed Salleh Abas
apabila soal tersebut
dibangkitkan dalam
perjumpaan dengan para
pelajar di Malaysia Hall di
sini petang semalam.

Tegasnya, “walaupun kita
menerima keputusan
hakim-hakim, ini tidak
bermakna kita tidak boleh
berbeza pendapat dengan
pandangan hakim yang
menyentuh keputusan
politik.”

Menurut Encik Anwar,
tindakan ke atas Tun
Salleh dilakukan mengikut

proses biasa perundangan
ia bukan merupakan
keputusan politik atau
kabinet.

Dalam pada itu ketika
menjawab pertanyaan lain
Mentéri Pendidikan
menegur setengah
setengah pihak kerana
sanggup diperalatkan oleh
media luar negeri dalam
perjuangan politik
mereka.